



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK



Vogošća, ul. Jošanička br. 80, tel: 00387 33 586-411

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09), člana 71, 124. i 125. Statuta Općine Vogošća („Službene novine Kantona Sarajevo“, broj: 27/14 – Prečišćen tekst, 14/15, 9/20 i 23/24), Pravilnika o ostvarivanju prava na jednokratnu novčanu pomoć za sufinansiranje liječenja osoba oboljelih od rijetkih i teških bolesti Općine Vogošća, broj: 09-31-1242/25 od 13.06.2025.godine, Odluke o izvršavanju Budžeta Općine Vogošća za 2026. godinu („Službene novine Kantona Sarajevo“, broj: 2/26), Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj: 37/24) i Odluke Općinskog načelnika o načinu primjene smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine, broj: 02-02-575/25 od 15.04.2025. godine, Općinski načelnik Općine Vogošća, objavljuje

JAVNI POZIV

za dodjelu jednokratne novčane pomoći za sufinansiranje liječenja osoba oboljelih od rijetkih i teških bolesti

I – PREDMET JAVNOG POZIVA

Predmet Javnog poziva je dodjela jednokratne novčane pomoći za sufinansiranje liječenja osoba oboljelih od rijetkih i teških bolesti. Pomoć će biti dodijeljena u skladu sa raspoloživim sredstvima u Budžetu Općine Vogošća za 2026. godinu, shodno podnesenim zahtjevima.

II – FINANSIJSKA SREDSTVA

Finansijska sredstva za dodjelu jednokratne novčane pomoći za sufinansiranje liječenja osoba oboljelih od rijetkih i teških bolesti raspoređivat će se u skladu sa Pravilnikom o kriterijima i raspodjeli novčanih sredstava za dodjelu jednokratne novčane pomoći za sufinansiranje liječenja osoba oboljelih od rijetkih i teških bolesti Općine Vogošća, (u daljem tekstu: Pravilnik) sa budžetske pozicije:

- 614239 – sredstva za sufinansiranje liječenja od rijetkih i teških bolesti;

Ukupan iznos planiranih sredstava u Budžetu Općine Vogošća za 2026. godinu iznosi 30.000,00 KM. Visina iznosa jednokratne novčane pomoći je utvrđena Pravilnikom.

III – USLOVI ZA OSTVARIVANJE PRAVA

Uslovi za ostvarivanje prava su:

- (1) da je podnosilac zahtjeva državljanin Bosne i Hercegovine;
- (2) da podnosilac zahtjeva ima prijavljeno prebivalište na području općine Vogošća najmanje 1 (jednu) godinu neposredno prije podnošenja zahtjeva;
- (3) dokaz da je podnosilac zahtjeva obolio od rijetke i teške bolesti (nalaz i mišljenje izdato od Instituta za medicinsko vještačenje sa izjašnjenjem da se radi o rijetkoj i teškoj bolesti);
- (4) dokaz o potrebi liječenja osobe u BiH ili van teritorija BiH, koji zahtjeva veća novčana sredstva (predračun za troškove liječenja);
- (5) da ukupna mjesečna primanja porodičnog domaćinstva ne prelaze iznos jedne prosječne plaće ostvarene u FBiH, prema posljednjim statističkim podacima, osim u izuzetnim i opravdanim okolnostima koje će se cijeniti u svakom konkretnom slučaju.

IV – POTREBNA DOKUMENTACIJA

Podnosioci zahtjeva prilažu dokumentaciju u originalu ili ovjerenoj fotokopiji:

- 1) Čitko popunjen i potpisan obrazac obrazac zahtjeva (prilog ovog Javnog poziva);
- 2) Kućna lista;
- 3) Potvrda o prijavi mjesta prebivališta – CIPS (službeno);
- 4) Uvjerenje o državljanstvu za podnosioca zahtjeva (ne starije od 6 mjeseci);
- 5) Uvjerenje o kretanju za podnosioca zahtjeva (ne starije od 3 mjeseca);
- 6) Potvrda o visini primanja zaposlenih članova zajedničkog domaćinstva;
- 7) Uvjerenje o primanjima putem Službe za boračko-invalidsku i socijalnu zaštitu (službeno);
- 8) Uvjerenje o primanjima putem Službe socijalne zaštite općine Vogošća (službeno);
- 9) Dokaz da je osoba oboljela od rijetke i teške bolesti (nalaz i mišljenje izdato od Instituta za medicinsko vještačenje sa izjašnjenjem da se radi o rijetkoj i teškoj bolesti);
- 10) Dokaz o potrebi liječenja osobe u BiH ili van teritorija BiH, koji zahtjeva veća novčana sredstva (predračun za troškove liječenja);
- 11) Potvrda banke o otvorenom tekućem računu na ime podnosioca zahtjeva.

V – POSTUPAK DODJELE JEDNOKRATNE NOVČANE POMOĆI

- 1) Postupak provodi Komisija imenovana od strane Općinskog načelnika.
- 2) Nakon provedenog postupka utvrđivanja ispunjavanja svih propisanih uslova Komisije, Općinski načelnik, putem nadležne Službe donosi Rješenje.
- 3) Na osnovu Rješenja korisnik ostvaruje pravo na direktnu uplatu dodijeljenih sredstava iz Budžeta Općine.
- 4) Zahtjevi koji ne ispunjavaju uslove ili su podneseni nakon utroška sredstava, odbijaju se Zaključkom Općinskog načelnika putem nadležne Službe na prijedlog Komisije.
- 5) Protiv Zaključka može se izjaviti žalba Drugostepenoj stručnoj komisiji Općinskog vijeća u roku od 15 dana od dana prijema Zaključka
- 6) Podneseni zahtjev važi samo za kalendarsku godinu u kojoj je zahtjev podnesen

VI – POSTUPAK PODNOŠENJA ZAHTEJEVA

Zahtjevi sa kompletnom dokumentacijom podnose se direktno na protokol Općine Vogošća ili putem pošte na adresu:

OPĆINA VOGOŠĆA
Služba za boračko-invalidsku i socijalnu zaštitu
Ulica Jošanička broj 80
71320 Vogošća

sa naznakom: „Prijava na Javni poziv za dodjelu jednokratne novčane pomoći
za sufinansiranje liječenja osoba oboljelih od rijetkih i teških bolesti“

Javni poziv ostaje otvoren do 31.12.2026. godine ili do utroška planiranih budžetskih sredstava.

Sve dodatne informacije vezane za Javni poziv mogu se dobiti svakim radnim danom, pozivom na brojeve telefona 033/586-470 ili 033/586-471 ili direktno u prostorijama Službe za boračko-invalidsku i socijalnu zaštitu (II sprat, kancelarija broj 40 i 42).

Nepotpuni i neblagovremeni zahtjevi neće se razmatrati.

Broj: 09-31-103/26
Vogošća, 30.01.2026. godine

OPĆINSKI NAČELNIK

Migdad Hasanović